

漢魏六朝百三家集

陳記室集

魏
十二人

江苏工业学院图书馆
藏书章

第
四
十
册

陳孔璋集題辭

何進謀誅宦官召兵四方陳孔璋時
爲主簿讜言禍害其意智豈讓曹操
哉棲身冀州爲袁本初草檄詆操心
誠輕之奮其怒氣辭若江河及窮窘
歸操預管記室移書吳會卽盛稱北

方無異劇秦美新文人何嘗惟所用
之茂惡爾矛夷懌相齟固恒態也孔
璋詩賦非時所推高武軍之賦久乃
見許於葛稚川今亦不全他賦絕無
空群之名詩則飲馬游覽諸篇稍見
寄託然在建安諸子中篇最寂寥子

桓兄弟亦少酬贈元瑜傷寡婦仲宣
好驢鳴沒而繫思不可得也彼所出
塵惟章表書記孟德善用八長鼓厲
風雲遂捐宿憾然魏武奸雄生死欺
人獨孔璋斥其奄醜士衡笑其香履
足令垂頭帖耳後世卽有善言者俱

不及也

婁東張溥題

陳記室集目錄

賦

武軍賦

又

又

又

又

神武賦有序

止欲賦

神女賦

大暑賦

瑪瑙勒賦有序

迷迭賦

柳賦

鸚鵡賦

上書

爲袁紹上漢帝書

書

爲袁紹與公孫瓚書

更公孫瓚與子書

爲曹洪與世子書

答張紘書

牋

答東阿王牋

檄

爲袁紹檄豫州文

檄吳將校部曲文

版文

爲袁紹拜烏丸三王爲單于版文

設難

應譏

樂府

飲馬長城窟行

詩

遊覽二首

宴會

附錄

本傳

陳記室集目錄終

陳記室集卷全

魏廣陵陳琳孔璋著

明太倉張溥天如閱

賦

武軍賦

有序

迴天軍於易水之陽以討瓚焉鴻溝叅周鹿菰
十里荐之以棘爲建修櫓干青霄竈深隧下三
泉飛雲梯衡神鈎之具不在吳孫之篇三畧六
韜之術者凡數十事秘莫得聞也乃作武軍曰

赫赫哉烈烈矣於此武軍當天符之佐運承斗
剛而曜震漢季世之不辟青龍紀平大荒熊狼
競以拏攫神寶播平鎬京於是武臣赫然颺炎
天之隆怒叫諸夏而號八荒爾乃擬北落而樹
表晞壘壁以結營百校羅峙千部列陳彌方城
掩平原於是啓明戒旦長庚告昏火烈具舉鼓
角並震千徒從唱億夫求和聲訇隱而動山光
赫奕以燭夜其刃也則楚金越冶棠谿名工清
堅皓鏜脩刺銳鋒陸陷禁犀水截輕鴻鎧則東

胡闕輦百煉精剛。函師振旅。韋人制縫。玄玄縹
甲。灼爍流光。弩則幽韞。筋角恒山。檠幹通肌。暢
骨崇縕。曲煙大黃。沈紫直矢。輕弦當鋒。摧決貫
遐洞。堅其弓。則烏號越耗。繁弱角端。象弭繡質。
哲拊文身。矢則申息。肅慎。箇。籥空疏。焦銅毒鋏。
麗轂撻輶。馬則飛雲絕景。直髻騶駟。駁龍紫鹿。
文的躡魚。走駿驚飈。步象雲溪。若乃清道整列。
按節徐行。龍姿鳳峙。灼有遺英。

鈎車轆轤九牛轉牽牽雷響激折擗倒垣其攻
也則飛梯行雲臨閣靈構上通紫電下過三壚
蘊隆旣備越有神鈎排雷衝則高烈炬然
則頓名樓

又

衝鈎競進熊虎爭先墮垣百疊敝樓數千炎燧
四舉元戎齊登

又

整行按律決敵中原八部方置山布星陳于戈

森其若林牙旗翻以如繪

又

南轅反旆爰振其旅胡馬駢足戎車齊軌

神武賦

有序

建安十有二年大司空武平侯曹公東征烏丸
六軍被介雲輜萬乘治兵易水次於北平可謂
神武奕奕有征無戰者已

佇盤桓以淹次乃申命而後征觀狄民之故土
追大晉之遐蹤惡先穀之懲冠善魏絳之餘戎